

宜春縣志卷之十二

壇壝

社稷壇 在西門外街北一里卽宋州社壇明洪武初制天下立社稷壇其庫齋房祭器並頒式建立每歲春秋仲月上戊日府官率僚屬致祭壇基東西廣四十丈南北袤五十丈今仍舊

風雲雷雨山川壇 在東門外街南一里宋元符祀式風師壇在西門外兩師壇在北門外明洪武初頒式建立合爲一壇歲用春秋二仲月上丁日後

察春縣志

卷之十二 壇壝

致祭壇 基東西廣一十六丈南北袤二十丈

厲壇 北門外二里明洪武初立歲以三月清明七月望日十月朔日致祭周四百六十丈萬曆四十六年宜春縣知縣廉養貞建公廳二爲更衣之所今圯

五穀壇 計一百三十六所在各里俱明洪武初立其制則周繚以垣中立土壇

鄉厲壇 一百三十六所制與五穀壇同

祠廟

城隍廟

在宜陽門內報恩寺左附府城隍廟之右

洪武四年大正祠典稱宜春縣城隍之神每歲春

秋二仲月戊日祭之初到任者先期祭於神而誓

頌有宿廟告文今仍舊

年久倒塌歷歷五年  
知縣張綸捐貲全修

仰山古廟

縣治南六十里仰山顛徑潭之側相傳

昔有邑人徐璠舟行至大孤山有二蕭生云居宜

春仰山遂同載而歸至浦東告別期至石橋相訪

後徐至其處見二龍乃知為仰山神唐會昌初建

祠於仰山之陽宋加王封元符二年賜祠額為孚

宜春縣志

卷之十二 祠廟

二

惠豫章黃廷堅書元重修袁人事二神至謹禱無

不應明稱大仰山之神每歲春秋二仲月府官擇

日詣廟致祭弘治間知府朱華闢路甃石萬曆中

知府鄭惇典重修四十一年知府汪蒼冰再修郡

人簡繼芳記

仰山正廟

縣治南三十里地名堵田俗稱南廟自

府城至古廟此為中路唐會昌間建元殿祥重修

廟宇弘敞後圯知府鄭惇典重修

仰山行祠

在宜春臺上相傳宋建炎二年金人

城見黃衣白馬往來雉牒間賊駭異而走紹興  
遂立行祠

關帝廟 在宜春臺下二十步元萬戶高伯顏立明  
重修府衛官歲有常祭

龍王廟 卽報功祠治西七里唐李將順於此疏陂  
水入城民利之遂立廟以祀每春秋二祭歲久廟  
圯明正德九年郡守徐璉重修又循舊堰疏決立  
浚渠亭自爲記萬曆中知府鄭惇典重修今毀止  
存一亭

宜春縣志

卷之十二 祠廟

三

三賢祠 府治廳左明洪武間推官陳谷表建以祀  
臯陶張釋之于定國三賢郡守李順孫記後增祀  
唐司法叅軍徐有功歲春秋致祭

韓文公祠 創自宋郡守祖無擇祠於府學講堂西  
以李翱皇甫湜盧肇鄭谷配自爲記又郡守鄭自  
強重建長樂黃幹記明正統間巡撫都御史韓雍  
知府姚文遷於宜春臺今址知府王炬續成之學  
士錢習禮記嘉靖己酉知府劉廷誥知縣徐拭修  
扁曰昌黎書院增建原道閣以課諸生歲久漸傾

知府鄭惇典修增屋三間以脩庖烹四十二年知  
府汪若冰修郡人彭自新記春秋致祭編門子一  
名司香火明末鞠爲茂艸、國朝康熙四年九月  
守道施閏章知府李芳春同知孫席慶推官鄭焯  
捐貲重建堂廡巍然課諸生之尤者給廩餼肄業  
書院中宜春進士袁繼梓共襄是舉詳鄭焯記康  
熙己酉知府李芳春清助書院學田共十二頃三  
一畝五分八厘六毫

五賢祠

卽秀江書院係嚴氏故宅祀宋萍鄉監稅

宜春縣志

卷之十二 祠廟

四

先賢周惇頤程顥程頤朱熹張栻萬曆間知府鄭  
惇典移建歲春秋致祭先是宋郡守張杓祠周程  
於府學講堂東爲三先生祠朱熹記元季兵燬明  
正統間都御史韓雍命改遷於宜春臺右錢習禮  
記正德七年知府姚汀重修後移建萍實門外增  
祀朱熹張栻曰五賢祠地僻隘知府鄭惇典與同  
知湯明善議改今址後毀

李衛公祠

在城西北五里化成巖之側祀唐李衛

公德裕公爲袁長史時寓是巖有賦十五首宋紹

興十九年尚書汪應辰判是州爲之立祠慶元間  
郡守李詵重修明嘉靖三十八年知府李德前復  
建祠於故址萬曆乙卯知縣錢文薦請祀春秋知  
府黃鳴喬有祭文

袁高士祠 卽高士書院歲祀鄉賢袁京在宜春縣  
學右明萬曆辛丑提學道錢檟檄府縣立祠自爲  
記今止存正廳及寢室門屋

袁天罡祠 在譙樓上按先生開五井以固風水大  
有德於袁明萬曆丙辰同知李瀚顛祀於樓又修

宜春縣志

卷之十二 祠廟

五

鑄天罡原造銅璿璣於觀天臺自爲記歲久盡圯  
康熙六年郡守李芳春重建

盧狀元祠 在盧洲文標閣先生故洲明萬曆戊午  
知府黃鳴喬請祀春秋郡人并祀袁公業泗今毀  
宜春侯祠 在宜春臺下侯名成長沙定王發之子  
封宜春侯立宜春臺因葬臺下西北偏宋咸  
平開立廟民趙敏中重建又府治東南有  
今俱毀

都官祠 在城西北

祖龍圖祠 在府學講堂西十二步祀宋龍圖學士

祖公無擇今毀

王待制祠 在縣治東南宜春臺下待制諱古宋紹

聖間守袁有德政卒袁人祠祭於天王臺萍鄉傳

趙鳴鐸記後郡守辛丙移祀於仰山復為記今毀

徐公生祠 東門外為明巡撫都御史徐栻建嘉靖

間栻令宜春民德之迨撫西江又疏鬻沒官田產

以脫賠補軍需之苦民愈戴之不忘建祠祀焉新

喻張春記今毀 蔣公忞思碑亭 城東 閔外

宜春縣志

卷之十二 祠廟

六

附營建民基生祠

計二處

郭副將祠 東城內清朝人瑞坊右 營建故武生彭必臻基

李中軍祠 東城內清朝人瑞坊左今改額 忠英義聖營建郡廩生方直基

倉儲

昔稱救荒無奇策策莫善於備荒自漢唐以來常  
平義社諸倉為最著縣倉古制不一自兵寇頻仍  
盡為坵墟故存舊名以志感也祈新建以貯愛也  
今即未能鼎新而慈惠之長捐助不貲將來尤有

厚愛云

永豐倉 在府治西北三十步明宜春知縣陳宗虞改建府治南繡衣坊卽三登坊萬曆四年知府鄭惇典修建倉廩陸間後毀

國朝知府吳南岱重修後改建府治東迎曦樓左提學公署舊址

預脩倉 在縣治東報恩寺側明知縣廉養

貞修衆稱便焉今毀 按倉名預脩者原爲先事預防以待不虞勿致倉卒嘆無策也數十年

空春縣志

卷之十二 倉儲

七

來倉廩灰燼積貯蕩然近奉

上憲諄檄樂捐積粟以脩荒政而閭里蕭條卒無應者知縣王仰體 德意于康熙二十一年捐穀貳十石二十二年捐穀二十石詳復在案倉雖毀借僧舍以貯之由此而慨當以慷咸不惜大倉之稊米積少成多豈曰小補之哉

東倉 城東十五里地名下浦

西倉 城西三十里薦外鄉地名滄田市

南倉 城南三十里集雲鄉地名福慶市

北倉 城北三十里適喬鄉地名下強村今俱毀  
水次倉 邑北門外盧洲西岸明知縣張本嘉建  
以貯南米今毀

社倉 社倉之設昉於朱考亭宜春自癸未以來  
疊經兵寇各鄉倉厥久已傾圮今奉

上憲申飭酌行以通緩急以備饑荒法甚良也但鋒  
鏑遺黎瘡痍未起力不從心屢經控明而

上憲愛民脩荒之檄通行在案自不敢泯爰敬志之  
巡撫都院安 爲酌行社倉良法以通緩急以備

定春縣志

卷之十二 倉儲

八

饑荒事照得社倉一法豐歉預防有無相告流  
離因之而集風俗由此而敦雖爲一方儲蓄之  
私猶有上占井田之意蓋創於隋臣長孫而成  
於宋儒朱子自奉行者徒飭虛文以循故事使  
樂助者遂視良法以爲厲階然先賢遺制猶存  
荒政諸條並列舉而行之無不效也本都院新  
膺

簡命巡撫江西觀斯民累經兵燹之餘復值災傷之  
際鴻飛未集鵠立難存言念及此中心惻然凡



爲地方可以邀

皇仁而請蠲緩者計無不周可以因成例而濟撫綏者慮無不及夫彌忠之術多方而潛消於未形者必使饑寒有可恃以無恐救荒之策不一而預脩夫將來者必使平時有所蓄以無虞然則義倉之設斷斷不容稍緩以一鄉濟一鄉推而至於郡邑事既輕而易舉以一石合一石積而克乎庾廩數由少而成多法可通行制堪經久合就飭行爲此仰司道府官吏照牌事理即便

轉行各屬遵照通知本都院率先捐穀一千石爲通省官紳裕民倡凡官紳裕民務體本都院拳拳此心無非從地方災青起見當及時捐助拯此殘黎官穀貯城民穀貯鄉庶幾緩急可通饑荒有脩所頒條約務在力行蓋水旱爲患關乎天心捍禦之功本諸人事况江右士風敦厚民俗醇樸兼以鋒鏑餘生荆棘滿目必能甘苦共嘗寧忍秦越異視本都院方畱心荒政竊慕富鄭公之流風凡官民宜勉力捐貲仰循朱晦

翁之成法若夫激勸善信杜絕奸惡  
守亦可久是又爾有司之責也牌到  
毋忽

條約

一在城官倉凡官穀悉貯城中因便立倉隨時  
欵本都院捐穀一千石司道府廳縣學各官所  
捐或一千或五百或百十石不等以備省會之  
用守巡道府廳縣學首領各官所捐或五百或  
百十石不等以備郡城之用州縣學佐貳首領  
各官或五百或百十石不等以備州縣之用  
應出納守令造報勸懲之法畧如後約

一在紳民倉戶民穀悉貯鄉中因便立倉隨時  
欵每都按糧勸輸每糧一石輸穀一斗糧十石  
輸穀一石以是爲差其糧不及一石者不在此  
數紳衿樂輸勸在州縣儒學百姓樂輸勸在里  
甲倉長不過勉力一年利益百世如有賢士大  
夫及富民好義者于常捐之外能捐穀百石至  
數百石以上該縣具申藩司彙報本都院聽本

都院酌量捐數多寡或具題請叙或給扁額  
旌爲畱心桑梓之勸

一定倉制省府州縣所捐穀石俱于城中設一倉  
民所捐者每縣按都立倉其人民稠密田地開  
墾則一都獨立一倉其經賊寇屠戮人少地荒  
則數都共立一倉卽就都內樂輸米穀存貯倉  
中遇有貧乏凶荒隨時散歛出陳易新以本鄉  
之蓄濟本鄉之人歲以爲常庶幾永久

一因倉基建倉工費此時必難卽辦須擇寺觀內  
堅固間房一二間或三四間如無寺觀之處就  
民間祠堂空屋以爲積貯之所總期不致累擾  
以省營造之費

一糧倉長每都公舉溫飽誠實二人正副相輔夏  
散秋收其修葺工用併看守紙割折耗諸費皆  
出於利息之中至出入子母時日數目造冊二  
本一存縣一存倉以便不時稽查每年終各縣  
分造彙緘本都院以憑覈實分別獎勵  
一發倉儲每保于保甲中預分上中下最下等

明開存簿給與領牌每年候上明文五月給貸  
八月收納每石加息二斗有以濕惡不實還者  
倉長會衆議罰有頑戶年豐力克故意拖欠者  
倉長稟縣追完仍不許再貸又權歲有大荒小  
荒計戶有極貧次貧及節婦孤寒火災病患情  
有可矜者公議減免減息候臨時報縣詳奪  
一釐倉蠹凡倉長正副務要散歛公平登報清覈  
爲里中服從先免襍差俟滿三年無過照富民  
捐納例題請給與官職頂帶榮身以示鼓勵

如不稱者許里中公稟另舉甚有武斷生事侵  
觸冒破者按法治罪如地方借端查盤擾害倉  
法吏胥豪棍把持侵欺撓亂倉規或經告發或  
經訪聞立拿重處本都院告以諄諄聽無藐藐  
實心實政期無愧乎前人慎始慎終樂觀成於  
後效爾官吏士民共勉之

風俗考

先民有言曰風俗之變人心爲之也周禮陳詩納  
賈以觀民風蓋欲博采五方不齊之俗上之王國

審所重而酌劑之也。宏春農服先疇，士敦禮儀。駿近古今，雖兵燹屢經，而淳樸未改。茲採錄其大端，俾觀民立教者，表正居方，力追古處。誰謂晉葛尊盧之化不復見今日耶？作風俗考。

宏陽山高水清，好尚儒雅，有豪傑之士。

羅秀序

事簡民醇

地理志

其民二男三女，其穀宏稻。

周禮

講誦為業，士尚氣節。

晉志

藝文儒術為盛。

杜氏通典

宏春縣志

卷之十二 風俗

三

多尚黃老清淨之教，重于隱遁。

寰宇記

其俗尚鬼神，好淫祀。

地理志

人士並好經學，諷誦之聲有若齊魯。

晉傳

故家遺俗，皆知尚氣節，畏清議。

黃幹

火耕水耨，食魚與稻，家無蓄積。

隋地理志

士力學知廉恥，民樂耕好儉嗇。

阮閱無訟堂記

禩鬼之俗，習而未變。凡有疾病，多聽于巫門，設符

籙術，行禁架。

豫章志

重去其鄉，不習商賈業。

風俗志

賦稅及時閭里無事

韓愈謝表

士大夫秀而文頑民險而健

黃庭堅賦

黜者善訟以誣良善為奇能

江淮記

士人好恬靜勵廉隅布衣蔬食不入公府終歲不

至長吏之庭

張栻記

宜春土瘠民貧山多田少惟知稼穡貿遷之利其讓外人深山大澤中從前皆停畱閩地梟獍及樂安南豐人種藍耕芋黨與煩盛平時憑陵土民夜多劫掠一遇風動輒揭竿倡逆明季天井

宜春縣志

卷之十二 風俗

七

窩寇

國朝戊子踞城叛逆已亥倡亂皆屬此輩迨康熙十三年楚變遂蟻聚蜂屯遍肆殺掠宐邑四境幾無寧宇屢煩大兵征剿今獲驅除地方始謐元旦行獻歲禮家尚慶賀人日俗呼上七食羹湯畢農事農功士理士業

上元張燈家設酒茗盞絲竹管絃之樂明末為鼎草後地方彫敝遂絕響矣

清明于墳頭掛紙錢拜掃

五月五日蚤設開尊酒具角黍門懸蒲艾舟人

渡為戲

中元祀先祖焚冥資僧寺多設盂蘭會

臘月廿四俗曰小年重祀灶

除夕守歲飲屠蘇酒放爆竹擊鼓鳴鑼以待雞鳴

曰迎歲

郵傳

置郵尚矣宣上達下王政所不忍者葺亭垣以蔽風雨時廩餼以郵勤勞至無告必先中野有所經

立春縣志

卷之十二 風俗

五

畫弗遺亦所以遂民生勵風俗也并及之

舖遞

府前總舖

羅家山舖

大安舖

天塘舖

彬江舖

俱治東底分宜

十里舖

布汊舖

沙田舖

七星舖

俱治西抵萍鄉

張家山舖

雷橋舖

石嶺舖

三陽舖

岐石舖

公嶺舖

西嶺舖

俱邑治北抵萬載界

養濟院義塚

設院以收養孤貧每男婦一口月支米三斗柴薪錢六十文歲支冬夏布一件病故者官給棺埋葬其義塚則凡死無歸者皆得葬

其院舊名存恤在袁山門外明洪武五年知縣孫仕敏立弘治間知縣郭經修嘉靖間增置房垣蔬圃萬曆間知府鄭倬典署縣同知陶之肖重修後知縣周應偁全修為製碑文甬道中明末盡毀

國朝康熙五年知府李芳春署宜春縣事鄭宰查復舊基重建李芳春記

宜春縣志

卷之十二 官室

義塚即漏澤園一在南外廂泉水嶺上一在西外廂戚家嶺上俱約三百丈

官室

前代解署有因有草而其蹟則不可泯按嘉定及明志所載邑治內堂樓亭館今並存其名以備攷其地宅園池亦書者志家一例也

勅書樓

在縣廳前

無倦堂

在縣廳後

不欺堂

在縣西

讀書堂

在不欺堂後

日涉

延秋



寒練其在縣治內

平政堂縣治正堂

思補堂在縣平政堂後

忠愛堂

正直亭在縣治射圃中雍正十二年縣令張起文建

新置公署一所在西城內登瀛橋源馬司獄監後去前任前任縣正清價三百置買

附載邑治公所基地

一邑治頭門外東偏舊榜亭橫廊二間至耆民申明亭止又自亭而東外舊酒亭二間至今林家店止原基橫計一十二丈五尺

一邑治頭門外西偏舊榜亭橫廊二間至鄉約旌善亭止自亭而西外舊宿舖二間至今牢背巷官溝止原基橫計一十四丈

一培陽社學舊址在東隅空陽坊原屋計前後兩棟兩廊前至官街後至易家園土左至李姓基

空春縣志

卷之十二 官室

七

右至傅姓基因兵學毀基存今營弁蔡姓未具賃狀豎屋基上

一萍實社學舊址在西外廂一畝原屋計前後兩棟兩廊前至官街後至今王姓園土併路左至大路右至謝袁二姓基因兵學毀基存

一仰韓社學舊址在南隅朝真坊原屋計一棟前至官街後至今周蕭二姓園土左至蕭姓墓右至周姓園因兵學毀基存

一挹秀社學舊址在北外廂一畝下水關原屋計

前後兩棟兩廊前至官街後至今楊姓基左至

楊姓九屋右至官巷因兵學毀今居民楊姓清

朱具賃狀監屋基上

一稅課司在北外廂下水關前至大街後至石砌

河岸左至水埠右至民人李我珍基橫一丈



古蹟考

陵谷遷移何代無之狀地以人著雖一丘一壑亦不與艸木同朽履其境如晤其人弔古登臨猶令人低徊慨慕而不能去即謂其人至今存可也作古蹟考

盧肇書堂山

在邑西南三十里肇嘗讀書於此元豐中宜春王雲青卿買山築室為燕遊講學之地郡守廖子孟名其堂曰潛德紹聖初李冲元官宜春為作堂銘郡僚及朝議李觀皆有詩

仰山書堂山

宜春縣志

卷之十二古蹟

二十

邑城南仰山下唐鄭谷讀書處

彭聘君釣臺

在邑東震山之前蓋一巨石也又云聘君葬於東山昔人以震山為東山恐山側即其墓地今荒蕪不可識矣

軍資庫

在治東宋宣和間辛炳建程如式記

貴山鐵務

宋雍熙元年置後廢

司戶叅軍廳

府治西偏宋  
陳確建并記

### 貢院

舊在宜陽門外東湖之傍內有公明堂郡守江  
自任建後守趙篋夫遷於城內東隅錢文子記

### 待補莊

在治東  
北宋建

### 舊遞運所

袁山  
門外

### 三皇廟

在宜春臺畔  
有虞集記

### 宜春縣志

卷之十二古蹟

二十一

### 東湖

在治東城外三十步宋至和二年郡守祖無擇  
始于湖上建臺榭為遊觀之所有樂游堂廉堂  
讓堂休亭銷暑亭風亭月臺采香閣采珠閣北  
有射棚南有盧石讓亭以避濮安懿王諱易讓  
為遜紹聖中郡守鄭民瞻易廉堂閱武堂以為  
較場又以盧石在遜堂之前易名盧石堂淳熙  
五年張杓知州事南軒先生拭過之為書東湖  
扁笏且易盧石為介亭仍題字俯側紹熙元年  
袁郡守贊劭再修易休亭為平易堂采香閣為  
浮蔭銷暑亭風亭皆廢而為圓菴令僧江掃灑  
之責菴傍創仁知軒開禧中郡守羅克開重修  
歲久湖涸嘉定十三年郡守羅克開築今廢  
矣

### 孚惠聖泉

在宜春臺仰山行祠之下冬夏不竭病者飲之  
良愈政和七年郡僚張沆爲銘壬辰兵後填塞  
莫尋

揭鎮宅 在城東五十步後  
爲藍鐵都作院

梁丞相袁璞宅 在邑之東北後  
爲開元寺基

盧肇宅 在秀江北秀江之上  
有洗硯池今爲縣學

鍾傳宅

在邑西北化成巖之側唐僖宗所賜第有南北  
二池今遺址與池尚存又有別業在萬載縣北  
十五里今爲民田前有石  
峯人以鍾令公石筍稱焉

江宰相宅

宜春縣志

卷之十二古蹟

三

在邑治內東  
隅今無考

丘墓考附墓誌銘

昔賢弓劍之藏例得志重之也松楸在望瞻仰而  
哀敬並生焉故或以貴或以賢威表封釐庶幾風  
雨見羨墻乎後之人雖未能椒醕時馨亦將焚蘇  
有禁以妥厥靈也作丘墓考

漢宜春侯劉成墓

在治東南宜春臺側成長沙定王  
子有祠于傍舊呼爲定王之塚

將軍易洗墓

在縣西百  
里將墳山

高士袁亨墓 城北袁山下

梁丞相袁璞墓 縣城北北袁山古圖經云按梁興卒葬于此墳高四尺前有翁仲石獸

尚存

將軍湛陀墓 縣城東梁仕為宣猛將軍

丁將軍墓 在縣南十里舊傳此丁將軍祖墓也宋初削平僭偽因鑿其山鎔銅灌之地名

鑿銅岡墓址尚存府西坤長山俗呼為溫長沙墓嶺名銅釘其說亦與此類

唐韓湧墓 附韓愈誌 湧韓氏子其先仕魏號安定未事而死有二子湧其季也其祖韓介為人孝友一命率府軍佐以率二子百川老成老成為伯父起居舍人後起居有德行言詞為世軌式湧既兄弟二人而率府長子百川死無嗣其叔

交春縣志 卷之十二 丘墓

祖愈命湧歸後其祖湧清明遜悌以敏讀書作文功力兼人為文詞一旦奇偉驟長不類舊常吾日爾得無假之人耶退大喜謂其兄湘曰某違翁且踰年懼無以為見今翁言乃朕可以為賀羣輩來見皆曰湧之大進不唯于文詞于為人亦朕既數日得疾以卒年十九矣吾與妻哭之傷心三日而歛既歛七日權葬宜春郭南里嗚呼其可惜也已銘曰天固生耶偶自生耶天殺之耶其偶自死耶莫不歸于死壽何少多銘以送汝其悲奈何

都官鄭谷墓 城江北嶺有祖無擇記 予既作韓

像于東壁以配未幾都人之戴白者以公墓所在來告乃率僚屬亟往視之距城纔七里而獲焉于是增封竊植宇隧前周以垣墉限以閉閣伐石為碣表于路隅公名谷字守愚袁州宜春人光啟三年進士及第始為京兆府鄠縣尉終以都官郎中老于鄉嘗作拾遺補闕當時正人

多稱其善尤工五七言詩為薛能李頎所  
雲臺篇與外集凡四百篇行焉士大夫家置  
巷間教兒童咸以公詩與六甲相先後蓋取  
辭意清婉明白不俚不野故狀嗚呼人患不  
學患不專雖小善必開古之醫師日者之類  
能臻其盡猶或不磨滅于後世矧詩者吾聖  
之門六藝之一乎宜其公之名與世俱存也  
觀今袁人服儒而志古者識不少矣他日卓  
以文章事業與前人並駕則誰與予是舉也  
至和元年二月五日記

袁超墓

邑治垣西北三十步有古木  
盤屈或云袁天罡墓者非

御史黃頴墓

城北五十里湖塘

李衢墓

府城西三十里

李觀墓

邑南三十里地名龍會

宜春縣志

卷之十二 丘墓

三

宋越國夫人孫氏墓

在邑東十里地名蒲村夫人為成恭皇后祖母墓在洲渚上兩

水分流其下地甚卑巨浸不能沒人以爲異

信王夏協墓

邑城南蟠龍山孝宗成恭后皇父追封信王

明尚賓館副史劉道簡墓

縣城北學背

太常寺卿龍暹墓

縣城南通聖橋諭祭塋葬

主事蕭義墓

縣城北遷喬鄉焦坑嶺

知府龍夔墓

縣城東大安里金雞山

知縣袁魯訓墓

橫塘青山嶺亭子背

侍郎郭紳墓

縣城南青山



都御史高琬墓

縣東南地名澤  
壩諭祭瑩葬

都御史張鳳墓

福星里  
青山

叅議郭叙墓

青山

封知縣何泰墓

山陽橋側御  
史稱之父

封員外郎郭鸞墓

親仁里地名達  
石知府進之父

知府郭進墓

縣城南湖岡  
里地名壇

鹽運同知劉應選墓

城南  
清田

封御史楊春美墓

温湯里以  
誠之父

御史楊以誠墓

白石  
里

瀘州知州陳鐔墓

在縣南仁秀  
鄉二十五里

宏春縣志

卷之十二 丘墓

五

贈知府袁軾墓

安樂里牛嶺濂泗父  
分宜知縣馬孟禎記

封大恭人建坊黃氏墓

府城西二十五里石湖  
塘知府王猷記四川嘉

定守袁業濂南大鴻臚業泗舉人業  
渠母貢士繼節繼樟進士繼梓祖母

知州袁業濂墓

府城北四十里寶  
山橋弟業泗記

正卿袁業泗墓

府城北四十里東  
塘門生王志道記

督撫都御史袁繼咸墓

府城北四十里  
蘆村瘦塘壩

袁繼蔚墓

葬分宜縣石灣牛形價買楊橋  
袁宣明宣贊等祖塚全山俱買

知府袁一鰲墓

府城東二十里  
澀江張自烈記

知縣朱志蕙墓

府城東三十五里奠坑同年  
袁業泗記舉人光裕此祺父

布政袁一鳳墓

葬本縣興寧里上沙江虎形自大  
陵尖峯嶺至樟樹腦竹山陵止地

方鄒倫一文所立有禁約  
永不芟土空煤有得來龍

封恭人劉氏墓

府城北六十五里大廩刑部主政  
王延禔記南大鴻臚袁業泗配貢

士繼漳進  
士繼梓母

封官貢上袁業汾墓

府城東四十里合山  
部御史袁繼成父

維摩州知州陳吳言墓

縣南三十里  
仁季鄉明封

封官教諭陳宐慶墓

府城南二十里明村  
清都御史陳之龍父

封淑人李氏墓

府城南六十里天馬山知州陳吳  
言配教諭宐慶母都御史之龍祖

母龍  
日記

宐春縣志

卷之十二 丘墓

三

州同袁熙墓

城西五里  
沙陂橋

孔目袁繼衮墓

城北十餘  
里瓦子嶺

贈左給事中學人潘懋勳墓

城北七十  
里劉家坊

誥封孺人黃氏墓

城北三里  
化成巖下

贈大孺人辛氏墓

城西北七十  
里仙峯塘

誥贈之林郎袁喬登墓

知府袁  
一鰲父

誥贈大孺人鍾氏墓

袁一鰲母各葬縣治北  
七十里下沙江礮栗嶺

誥封孺人翟氏墓

知府袁一鰲配葬縣治  
北四十里栗村許溪

誥封淑人張氏墓

係北京都察院掌院事左都御  
史鍾价妻袁克觀岳母葬于春

臺憑虛積翠之下其地界上至大路  
下至勒左至雲峯巷街右至壩

國朝

督撫都御史陳之龍墓

邑城南二十里明村進士袁繼梓記

封淑人黃氏墓

城南二十里都憲陳之龍配南洲舉人府學教授胡文衡誌

封淑人袁氏墓

葵石羊前蛇形配都御史之龍母進士梁佳植記

贈蘇州府通判潘騫墓

城北遷喬鄉店背

封太安人鄧氏墓

同在遷喬鄉店背

封安人郭氏墓

城北七十里化北鄉古塘嶺

隱士劉而寔墓

城北遷喬鄉門嶺下土地塘常州太守孟宗舜記

安春縣志

卷之十二 丘墓

隱士袁繼誠墓

縣城北七十里故塘尾鵝形

誥封大夫人周氏墓

汾妻淺葬七星台

誥封夫人周氏墓

咸妻淺葬七星台

修戠郎陳滌墓

城南三十里新坊郡司馬孟宗舜記

寺觀

報恩寺

邑治東門內唐天授初為重興寺宋號乾明崇寧間為崇寧萬壽寺政和間賜額天

寧又改為神霄宮紹興賜今額元燬明重修

棲隱寺

邑城南

圓通院

靈泉池上康熙六七年間住持僧慧椿捐資修金碧輝煌宜城梵宇琳宮此為第一

泗洲院 東門外

國泰院 西門外

崇勝寺 舊在北門外太平興國中賜有林樂堂黃庭堅書扁方丈有竹尊者軒年久頽圯又修等詳郡守張任改建于化成巖之東

報親顯慶禪寺 邑城南集雲鄉蟠龍山頂唐南平王鍾傳初建蟠龍禪院宋治平間賜額永慶淳熙改賜今額是為成恭皇后功德院洪武二十四年和光禪師立為叢林

太平興國禪寺 邑城南大仰山下二神捐地與小名樓隱宋改今名山寺奇勝石逕縈迴飛瀑滿駛泉流灑灑鳴殿庭下夔異人境唐宋賜經御書碑碣甚多俱燬今存元碑徑鉅夫撰記

安春縣志

卷之十二 寺觀

三

興化禪寺

舊名雲峯院在邑南木平山中內有伺龍亭在潭上潭有龍善道禪師常以飯

伺之因名

神山寺

在歸化鄉正平里

慈化禪寺

邑城西石裡鄉南泉山普菴住持地塔尚存寺廣袤宏壯為郡刹之冠

能仁院

顯勝院

靜梵院

普濟院

定明院

集福院

普信院

定光院

顯寧院

延慶院

悟空院

常樂院

雙林院

明教院

仁濟院

明德院

薦福院

清妙院

勝安院

勝利院

大通院

廣仁院

貞如院

明福院

妙因院

棲貞院

普安院

貞乘院

淨因院

普照院

萬年院

寶林院

明惠院

海紳張潛捐貲鼎建

後殿巽華閣背有五山曰屏風僧謂周路鳳形天鵝先朝道府歷禁挖煤康熙四十五年本府

正堂昔有復給示永禁挖煤

壽昌院

慈雲院

法寧院

永安院

精進院

定安院

即沙江院萬曆辛卯年回祿四十六年里人袁業泗倡眾募修俾士子肄業其中

定春縣志

卷之十二寺觀

元

雙龍院

護國院

淨居院

白雲菴

城東四十里康熙戊午郡守李利維新下有善慶菴在南台山內

題寶

長蘆菴

城南三十五里康熙庚申郡守于無為而成邑侯王

題宏開不二其地

古名冠子石山後有石若冠故名

保赤菴

治內春臺東偏舊泰山廟廢址康熙十年郡守于禹建

石菴

城西南三十里浙江督學使蔡題不落階級處僧正脉創建

古林菴

城西四十里郡守于題無聲無臭

香山

城西八十里處有旃檀象故名古額萬法歸一

法華菴

城西三十里大平山城西一百里

化成巖

自丙戌年任僧出塵卒啓白與師念融接  
奉創堂重建佛殿官廳石路山門禁蓄護

屋官山翰林府憲李

賜額贊化裁成四字

三元殿

在治城西知  
府解經遠建

玄妙觀

東門外郭叢福觀晉元康間  
建洪武二十四年立為叢林

高真觀

舊為長興道院在空  
春臺側有樓覆

澄心觀

空春臺北  
洪武初歸

併玄  
妙觀

樓真觀

靖巖觀

福真觀

龍泉觀

仙居觀

昊天觀

鳳臺觀

府治  
西南

空春縣志

卷之十二 寺觀

三

仙釋

釋老不經神鬼爲變曷著之理所不廢則亦存之云

唐慧寂韶州人學佛有成開成中至袁之仰山創菴以居後有僧乘空來就講論大有所契且示以貝多葉梵書乃騰空而去後江南觀察使常宙奏請賜號

僧虛中與齊已爲詩友任湘西漂成寺嘗寄華山司空圖侍郎詩曰門徑放莎垂往來投刺稀有時開

宜春縣志

卷之十二 仙釋

三

御孔特地挂朝衣嶽信僧傳去天香鶴帶歸他年周召化無復更衰微圖荅詩云十年萃嶽峯前任祇得虛中一首詩

宋法普仁壽人幼苦行不茹葷精理佛諦居仰山緇流多來從之宰相張商英聞于朝賜以紫方服後杖錫雲游不知所之

德一九歲禮仰山叅簡禪師禱雨輒應

牧菴郵人性專靜叅佛眼禪師造次不忘提撕後登廬阜結茅衡嶽以棲

沈鱗字廷瑞南唐尚書郎彬子彬高安人鱗居宜春  
學道于玉笥山常衣單褐風雪不易嗜酒工詩時  
呼爲沈道者後尸解去

羅昇少貧業屠狗晚遇異人授以方術年幾百忽一  
日辭親戚奄然逝後有見昇賣藥瀏陽市中寄書  
鄉人歸乃其歿之明日時政和八年

普菴祖師諱印肅姓余宋政和中生石裏鄉太平里  
生之夕有祥光之異甫六歲夢一僧點其胸曰汝  
他日常自省師寤以白毋毋視其點紅瑩大似世

定春縣志

卷之十二 仙釋

三

之纓珠遂許師出家年二十七祝髮禮壽隆院賢  
和尚爲師賢授以法華經典師曰諸佛元音唯貴  
心悟數墨循行何益于事乃辭賢游湘間牧菴忠  
公倡道瀉山因問萬法歸一一歸何處菴豎拂  
示之師有省歸壽隆脅不沾席者十二載一日閱  
華嚴經至李長者達本忘情知心體合論豁然大  
悟遍體汗流曰我今親契華嚴境界矣良久云不  
可說不可說卽述偈曰捏不成團撥不開何須南  
嶽又天台六根門首無人問惹得胡僧特地來師



自是體用兼修機鋒特妙有僧稱道存自蜀冒雪  
訪師既見相與徵詰與義僧曰師再來人也大興  
吾道非師其誰因指雪書頌而別師之住壽隆也  
隣有慈化院者僧徒數千人建炎初經火衆稍散  
至是闕住持迎師居之師住持慈化凡四方慕道  
來者師隨機引誘其以災患疾苦請或書頌或斟  
水與之無不立驗有人赴總管府首師妖者巡司  
奉檄勾師師至見一龍乘雲下須臾風濤生屋底  
白晝晦冥巡司叩頭謝譴具以狀奏府府守李姓

者善雷術聞奏益信以爲妖也遂乘便道抵院曰  
借汝壇場施吾法事行之三日雷無應抱慚辭歸  
師云將天鼓相送忽有雷從北方起電雹交作守  
投師懺悔乃止而師名益傳播遠近矣師見朝謁  
日衆人事務午乃離院潛入南山石巖下靜坐歷  
二載無有知者楚丁驥劉汝明故與師籍方外交  
夜望南巖上有光徹天曰此必師所在也相與披  
榛覓路既遇師但見龍虎吟嘯響振巖谷二人夫  
生驚怖師叱畜生且化身來勿驚擅越二人乃請

師還山師弗許固請方許之二人復進曰慈化地  
氣索莫屋宇湫隘曷因其時草故鼎新可乎師曰  
固吾意也于是移向南泉中降伏邪魔重建梵宇  
先是師夜坐聞觸門聲甚急啓戶視之見一白牛  
伏地乞哀師知其罹庖丁災也即命侍者取錢贖  
牛仍囑牛往南窰蹠泥造瓦以求解脫牛悉從令  
一夕師騎牛吹鐵笛遶黃圃而游者三匝衆莫測  
所以越明年己丑七月二十一日卒事出錢文薦  
記中其語錄久傳世有文廟御製叙永樂年詔

空春縣志

卷之十二 仙釋

三

封師普菴至善弘仁圓通智惠寂感妙應慈濟真  
覺昭惠慶護國宣教大德菩薩今其地爲慈化寺  
明萬曆四十四年僧聞秀赴京奏請藏經勅賜全  
藏六百七十八函勅二道賜金七十五兩并紫衣  
寶旛至四十五年賫歸本寺

普菴祖師加頌手書金字金剛經一部

明郡司理丁聖時持至原

籍湖廣岳州府巴陵縣御峒鄉供奉其子春元時見此經叠現靈光大有還山之意本寺住持僧文相于康熙十年八月赴府脩述經卷始末叩請批文虔誠捧回予驗此經字跡端楷色澤輝煌歷年既久祖師墨跡恐難傳世遍聘名手鐫石五十四片佛像木板四葉秘藏慈化以誌不朽云大寺李

誌

會禪師姓令住揚岐山中  
有楮大巖一大蛇常入寺  
盤繞師側受師戒或遺  
法則不敢少畱有縣尉欲  
以非意加師蛇輒張口  
向前尉怖謝知為  
禪師也

黃東美不知何許人嗜酒  
落魄人異之有贈黃美人  
詩輕盈逸宕既卒有人  
自湖外見之寄聲邑里問  
舊游方知其尸解

汝春縣志

卷之十二

何澤

三

